



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

გელათის საეპისკოპოსო

გელათის საეპისკოპოსო, ერთ-ერთი დიდი ეპარქია ფეოდალურ საქართველოში.

დააარსა იმერეთის მეფე ბაგრატ III-მ XVI ს. 20-იან წლებში. მოიცავდა ტერიტორიას ქუთაისიდან, მდ. რიონიდან, მდ. ყვირილის გადაღმა კაცხამდე, ხრეითიდან რაჭის მთამდე და ოკრიბას.

გელათის ეპისკოპოსი (გენათელი) მეფის რწმუნებულად ითვლებოდა გელათის მონასტერში. კათოლიკოს ევდემონ ჩხეტიძის დროს (1557-78) დას. საქართვე. კათოლიკოს-პატრიარქის რეზიდენცია ბიჭვინთიდან გელათის მონასტერი|გელათის მონასტერში გადმოიტანეს.

კათოლიკოსს საკუთრებად გადაეცა წმ. გიორგის ეკლესია. XIX ს. 20-იან წლებში გ. ს. გაუქმდა და იმერეთის საეპისკოპოსოში შევიდა.

გ. ს. დღეს მოქმედი ეპარქიაა (ქუთაის-გენათის ეპარქია).

ლიტ. იხ. სტ-თან გელათის მონასტერი.

ბ. ლომინაძე